



## Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et  
Ivstvs, In Mvndo Administrando, Sit Devs, Monstrantibvs**

**Stengel, Georg**

**Ingolstadij, 1647**

§. 10. Quæ materia resurgentibus, & an costa sit reddenda Adamo?

[urn:nbn:de:hbz:466:1-51168](https://nbn-resolving.de/urn:nbn:de:hbz:466:1-51168)

ros) debeant resurgere cum omni ornatū; consequens est, eos etiam cum capillis & vnguis resurrecturos. Adde quod capilli & vngues, licet ex abundantia cibi generentur, non solum ornatū habent, in hac vita, sed etiam sua non careant utilitate; atque idcirco ad secundariam pertineant corporis perfectionem; sicut folia arborum, quibus fructus cooperiuntur, pertinent ad secundariam arborum perfectionem, & venustatem. Et quoniam temperamentum magis ad naturam hominis pertinet, quam eadem mensura quantitatis, quae saltem in infantibus non manebit, ex temperamento autem oritur color capillorum, conficitur tunc, capillos beatorum eodem colore fore conspicuos, quo hic 34. anno aut fuerunt, aut futuri fuissent, si vita esset eò usque porrecta.

## §. X.

Quæ materia resurgentibus, & an costa sit reddenda Adamo?

Quoniam autem infantes, pueros, & Pygmæos in statura perfecta, uti & Gigantes ea magnitudine, qua fere Christus fuit, diximus resurrecturos; necesse est & Giantibus aliquid de materia demi, & infantibus

fantibus ac Pumilis aliquid addi, quod identitati ac veritati eiusdem hominis non officit; sicut neque in ijs, qui ab alijs hominibus deuorati sunt; quorum proinde materia à pluribus animabus fuit informata, & jam ad hunc, iam ad illum hominem pertinebat. Nihil inquam, officit, quia, S. Thom.  
in supl.  
q. 80. ad 3. præter alias responsiones à S. Thoma assignatas; sufficit, tantum materiæ tunc diuina virtute aliunde suppleri, quantum opus est ad perfectionem quantitatis. Nec per hoc aliquid præindicatur identitati in numero, sicut nec præindicatur, per hoc, quod partes secundum materiæ fluunt, & refluunt, ait S. Doctor. In Anthropophagis autem carnes comedæ non sunt de veritate humanæ naturæ in comedente, sed in eo, cuius carnes comeduntur. Quare surgent in primo, non in secundo. Huic autem illarum aliquid restituetur carnium, quæ aliquando defluxerunt. Quandoquidem igitur ea, quæ defuerunt mortalibus in hac vita, reddentur immortalibus in altera vita, quid fieri cum Adamo primo omnium hominum parente, an etiam illi reddetur costa eius, ex qua Eva formata est? Nam ita legitimus: *Immisit ergo Dominus Deus so-* Gen. 2, 13;

*Rr 4 porem*



porem in Adam: cumq; obdormisset, tulit unā  
de costis eius, & repleuit carnem pro ea. Et adi-  
ficanuit Dominus Deus costam, quam tulerat de  
Adam, in mulierem, Dixitq; Adam: Hoc  
nunc os ex oīib; meis, & caro de carne mea:  
*Hac vocabitur Virago, quoniam de viro sum-  
ta est.* Si reddetur igitur ei costa, quæ ab  
illo ablata est, vbi manebit Eua? si non red-  
detur, an Adam in æternum mancus &  
monstrum erit? an aliquid illi deerit, quod  
fuit de veritate naturæ humanæ in ipso?

modi 2  
dicitur  
et hoc est p.  
Ita respō-  
det S.  
Thom.  
loc. cit.  
ad 2.

Aio, costam illam non in Adamo, sed in  
Eua resurrecturā, quæ de illa formata est;  
neque tamen Adamum fore mancum, aut  
imperfectum; cùm costa illa, in Adamo,  
non fuerit de perfectione indiuidui, sed  
ad multiplicationem speciei sit ordinata.  
Quare costa illa non resuscitabitur in  
Adamo, sed in Eua; quemadmodum & se-  
men non in generante, sed in genito re-  
surget. Ex quo perspicitur, Adamum ne-  
que, antè quām costa illa ab eo auferretur,  
neque post illam ablatam, monstrum fuis-  
se; quia neque antè aliquid in illo redun-  
dauit, neque postea aliquid defecit: cùm  
costa non ad indiuidui perfectionem, sed  
ad multiplicationem speciei illi sit data,

sicut

sicut & dari solet semen, cuius neque præsentia, neque absentia ex homine facit monstrum; pertinet enim, non ad individui, sed ad speciei conseruandæ naturam.

## §. XI.

*Medicina monstroforum.*

Desinat ergo solicitude vel ægrorum, vel quocunq; modo monstroforum. Sicut franguntur vasa, vt in melius reformentur; ita Deus iustorum corpora subinde, in terris, curuat, vt erigat in cælo. Quòd si enim tam benignus est, vt etiam in hac vita naturæ defectus compenset, quid non sperandum est, eum in altera vita amicis suis facturum? Boni *in carne sua videbunt Iob; 19: Deum saluatorē suum*, sed *in carne integra 26.* atque perfecta; quidquid sit de malis, propter quos Apostolus ait: *omnes quidem re- 1. Cor. 15: surgemus, sed non omnes immutabimur. Qui, si.* si deformes maneant, meruerunt eam deformitatem. Sancti autem sine metu esse debent; quia eorum corpora certò in gloriam mutabuntur. Vedit iam dudum hanc quorundam solitudinem Tertullianus, apud quem ista leguntur. *Hinc iam illa Tertull. vulgaris incredulitatis argutia est: si, inqui- libr. de Resur- unt, ipsa eademq; substantia reuocatur cum rect.c. 57:*

R r 5      *sua*